



全唐詩話序

文章與氣運相為

章之精華也故曰本

物理其為言易知而

可以驗風俗之美惡

失不謂之關乎氣運

稽明良之歌渾渾乎

頌之什洋洋乎太平之音詩之有
作不可尚已下逮漢魏六朝而詩
之變已極唐以詩取士而聲律之
盛雖非漢魏六朝可比然亦未嘗
不隨世以為古而下今唐詩之傳于
世者殆且百家而李杜韓柳之全
集尤盛行焉趙宋諸老又有詩話

之作咸淳間有若允文簡者乃
盡唐甲子詩人各鈎其警語撰
其事實分為三卷名曰全唐詩
話而唐人之精力殆盡于此惜
乎自來無刻本未獲傳布侍御
河東秦公民望天性簡重篤好
文事而尤工於詩茲者巡按陝右

其在行臺雖簿書旁午而手不
釋卷偶閱此書如獲重寶既自
以為幸又恨屢經筆吏訛謬相
承亥豕陶陰漫不可曉乃躬自
校閱且託強左史晟加磨對焉
錄成方圖壽諸梓與詩家者流
共之而西安守劉君綱慨然曰

是不可不終我侍御公之志間乞
予言以弁諸端予非知詩者第以
侍御公清才偉望嘉善好古而西
安克相成之類非迂儒俗吏所能
彷彿者不可不書故原詩之闕乎
氣運之大如此以俟鳴我

國家之盛者宋焉

正德二年丁卯季冬之望
賜進士亞中大天陝西布政司奉
勅督理糧儲右叅政臨汾安惟學



全唐詩話目錄

卷上

太宗

玄宗

宣宗

徐賢妃

虞世南

長孫無忌

李義府

駱賓王

高宗

德宗

昭宗

上官昭容

魏徵

王勃

杜淹

陳子昂

中宗

文宗

武后

孔紹安

李百藥

馬周

蘇味道

李日知



李景伯

崔融

李適

徐彥伯

李嶠

蘇頲

沈佺期

李行言

張元一

劉希夷

張敬忠

張說

宋璟

王彥

姚崇

趙仁獎

金昌緒

張九齡

王維

王縉

賀知章

李嘉祐

張均

王諶

孟浩然

陶現

王昌齡

李清

韓滉

王之渙

劉長卿

章八元

韋應物

朱放

李泌

暢當

皇甫冉

皇甫曾

秦系

顧况

朱絳

楊志堅

劉方

戎昱

柳郴

薛昇

元載

楊郇伯

梁鎰

戴叔倫

于鵠

李益

耿偉

盧綸

韓翃

錢起

司空曙

崔峒

李端

冷朝陽

竇叔向

竇常

竇鞏

常建

李約

陳通方

楊炎

裴度

韓愈

張籍

李道昌

陸暢

李翱

孟郊

劉义

楊巨源

歐陽詹

袁高

閻濟美

裴交泰

劉龜

元稹

白居易

全唐詩話目錄

全唐詩話卷之上

太宗

貞觀六年九月帝幸慶善宮帝生時故宅也因

與貴臣宴賦詩起居郎請平宮商被之管絃

命曰功成慶善樂使童子八佾為九功之舞

大宴會與破陣舞借奏於庭

帝嘗作宮體詩使虞世南賡和世南曰聖作誠

工然體非雅正上有所好下必有甚焉恐此

詩一傳天下風靡不敢奉詔帝曰朕試卿爾

後帝為詩一篇述古興亡既而嘆曰鍾子期

死伯牙不復鼓琴朕此詩何所示邪勅褚遂良即世南靈座焚之

貞觀二十年秋帝幸靈州時破薛延陀回紇諸部遣使入貢乞置官司上爲詩序其事曰雪耻酬百王除凶報千古公卿請勒石於靈州從之

高宗

太平公主武后所生后愛之傾諸女帝擇薛紹尚之假萬年縣爲婚館門隘不能容翟車有司毀垣以入自興安門設燎相屬道樾爲枯

當時群臣劉禕之詩云夢梓光青陛穠桃鸞紫宮元萬頃云離元應春夕帝子降秋期任奉古云帝子升青陛王姬降紫宸郭正一云桂宮初服冕蘭掖早生并皆納妃出降之意也

中宗

九月九日幸臨渭亭登高作云九日正乘秋三杯興已周泛桂迎罇滿吹花向酒浮長房更早熟彭澤菊初收何藉龍沙上方得恣淹留時景龍三年也序云陶潛盈把旣浮九醞之

歡畢卓持螯須盡一主之與人題四韻同賦
五言其最後成詞之引滿

章安石得枝字云金風飄菊蕊玉露泣芙蓉
枝

蘇瓌得暉字云恩深吞故茂留醉奉宸
李喬得歡字云令節三秋晚重陽九日歡
蕭至忠得餘字云寵極更房遍恩深菊
餘

竇希珍得明字云九辰陪聖膳萬歲奉天
明

韋嗣立得深字云願陪歡樂事長與歲時
深

李迥秀得風字云霽雲開曉日仙藻麗秋
風

趙伯彥得花字云簪挂丹萸藥杯涵紫菊
花

楊廉得亭字云遠日瞰秦垆重陽坐霸亭
岑羲得淡字云爰豫鳴秦垆升高臨灞淡
盧藏用得開字云萸依珮裏發菊向酒邊
開

李咸得直字云菊黃迎酒泛松翠凌霜直
閻朝隱得筵字云簪綬趨皇極笙歌接御
筵

沈佺期得長字云臣歡重九慶日月奉天
長

薛稷得曆字云願陪九九辰長奉千千曆
蘇頲得時字云年數登高日延齡命賞時
李乂得濃字云捧篋更香遍稱觴菊氣濃
馬懷素得酒字云蘭將葉布席菊用香浮
酒

陸景初得臣字云登高識漢苑開道侍軒
臣

韋元旦得月字云雲物開千里天行乘九
月

李適得高字云禁苑秋光入宸遊霽色高
鄭南金得日字云風起韻虞絃雲開吐堯
日

于經野得樽字云桂筵羅玉姐菊醴溢芳
樽

盧懷慎得還字云鶴似同琴至人疑宴編

還是宴也幸安石蘇瓌詩先成于經野
盧懷慎景後成罰酒

十月帝誕辰內殿宴群臣潤色鴻業寄賢才帝
云叨居右弼媿鹽梅李嶠運籌帷幄何時來
宗楚客職掌圖籍濫蓬萊劉憲兩司謬秦繡
鍾裴崔湜禮樂銓管效塵埃鄭愔陳師振旅
清九域趙彥昭忻承顧問侍天杯李適街恩
獻壽栢梁臺蘇邕黃綠青簡奉康哉盧藏用
宗伯秩禮天地開薛稷帝歌難續仰昭回宋
之間微臣捧日變寒灰遠憩班左愧遊陪上

官媿好帝謂侍臣曰今天下無事朝野多歡
欲與卿等詞人時賦詩宴樂可識朕意不須
惜醉大學士李嶠宗楚客等跪奏曰臣等多
幸同遇昌期謬以不才策名文館思勵蒿朽
庶裨河嶽旣陪天歡不敢不醉此後每遊別
殿幸離宮駐蹕芳苑鳴笳仙禁或感宸遊
王門鬢席無不畢從

景龍四年正月五日御大明殿會吐蕃騎馬之
戲因重爲栢梁體聯句帝曰大明御宇臨萬
方皇后曰顧漸內政翊陶唐長寧公主曰鸞

鳴鳳舞向平陽安樂公主曰秦樓魯館沐恩
光太平公主曰無心爲子輒求郎溫王重茂
曰雄才七步謝陳王昭容上官曰當熊讓輦
愧前芳吏部侍郎崔湜曰再司銓管恩何忘
著作郎鄭愔曰文江學海思濟航考功員外
郎武平一曰萬邦考績臣所詳著作郎閻朝
隱曰著作不休出中腸時上疑御史大夫竇
從一將作大匠宗晉卿素不屬文未即令績
二人固請許之從一曰權豪屏跡肅嚴霜晉
卿曰鑄鼎開嶽造明堂此外遺忘時吐蕃舍

人明悉獵請令拔筆與之曰玉醴由來獻壽
觴上大悅賜與衣服

玄宗

左丞相說右丞相璟太子少傅乾曜同上官命
宴東堂賜詩云赤帝收三傑黃軒舉二童由
來丞相重分掌國之鈞我有握中璧
上珍子房推要道仲子訝風神復
將爲調護人鷄鸞同拜日車騎擁
南宮宴觴連北斗醇俾予成百揆
倫

開元十六年帝自擇廷臣爲諸州刺史許景先
治虢州源光裕鄭州寇泚宋州鄭溫琦邠州
袁仁恭杭州崔志廉襄州李昇期邢州鄭放
定州蔣挺湖州裴觀滄州崔成遂州凡十一
人行詔宰相諸王御史以上祖道洛濱盛具
奏太常樂帛舫水嬉命高力士賜詩令題座
右帝親書且給筆紙令自賦賚絹三千遣之
帝詩云眷言思共理鑒寐想惟良猗歟此
推擇聲績著周行賢能旣俟進黎獻實行
康視人當如子愛人亦如傷講學試誦論

吁陌勸耕桑虛譽不可飾清知不可忘求
名跡易見安直德自彰獄訟必以情教民
貴有常恤博且存老撫弱復綏強勉哉各
祇命知予眷萬方

德宗

正元四年九月賜宴曲江亭帝爲詩序曰朕在
位僅將十載實賴忠賢左右克致小康是以
擇三令節錫茲宴賞俾大夫卿士得同歡洽
也夫共其戚者同其休有其初者貴其終咨
爾群僚順朕不暇樂而能節職思其憂咸若

時則庶乎理矣因重陽之會聊示所懷詩云
早衣對庭燎躬化勤意識時此萬機暇適
與佳節并曲池潔寒流芳菊舒金英乾坤
爽氣澄臺殿秋光清朝野慶年豐高會多
懽聲永懷無荒戒良事同期情因詔曰卿
等重陽會宴朕想歡洽欣慰良多情發于
中因製詩序令賜卿等一本可中書門下
簡定文詞士三五十人應制同用清字明
日內於延英門進來宰臣李泌等雖奉詔
簡擇難於取舍由是百僚皆和上自考其

詩以劉太真及李紆等四人為上等鮑防
于邵等四人為次等張濛殷亮等二千三
人為下等而李晟馬燧李泌三宰相乏詩
不加考第

韋綬以內相感心疾罷還第帝九日作黃菊歌
顧左右曰安可不示韋綬遣使持往綬遂奉
和附使進市曰為文不已豈願養耶勅曰目
今勿復爾

裴度拜中書令以疾未任朝謝上巳曲江賜宴
群臣賦詩帝遣中使賜度詩曰注想待元老

識君恨不早我家柱石衰憂來學丘禱仍賜
御札曰朕詩集中欲得見卿唱和詩故令示
此卿疾未瘥可他日進來御札及門而度薨
帝聽政暇博覽群書一日延英頤問宰相詩云
呦呦鹿鳴食野之苹苹是何草時宰相楊珣
揚嗣復陳夷行相顧未對珣曰臣按爾雅苹
是蘗蕭上曰朕看毛侍疏葉圓而花白叢生
野中似非蘗蕭

又一日問宰臣古詩云輕衫襯跳脫跳脫是何
物宰臣未對上曰即今之腕釧也真誥言矣

妃有斷栗金跳脫是臂飾

嘗吟杜甫曲江篇云江頭宮殿瑣千門細柳新
蒲為誰綠乃知天寶以前樓臺之盛鄭注乃
命神策軍淘曲江昆明二池許公卿立亭館
兩軍造紫雲樓彩霞亭內出樓額賜之

宣宗

帝好進士及第每對朝臣問及苟有科名對者
必大喜便問所試詩賦題目并主司姓名或
佳人物偶不中第必歎惜移時嘗於內自題
鄉貢進士李道龍白居易之死帝以詩吊之

曰綴玉聯珠六十年誰教冥路作詩仙浮雲
不繫名居易造化無為字樂天童子解吟長
恨曲胡兒能唱琵琶篇文章已滿行人耳一
度思卿一愴然帝製秦邊陸曲其詞曰海岳
咸通及帝垂拱而年號咸通焉庶子裴憚進
詩賀聖政有太康字帝怒曰太康失邦乃以
此我戶部韋渙奏云晉平吳寇改號太康雖
有失邦之言乃見歸美之文上曰天子大須
博覽不然幾錯憚罪

舊制盛春內殿賜宴三日帝妙音律每先裁製

新曲俾禁中女伶迭相教授至是出宮女數
百分行連袂而歌其曲有曰播皇猷者率高
寇方獲褒衣博帶趨走俯仰皆合規矩于于
然有唐堯之風焉有曰葱女蹕歌隊者率言
葱嶺之士樂河湟故地歸國復為唐民也若
霓裳曲者皆執節幃被羽服態度凝碧飄飄
然有翔雲舞鶴見左右如是數十曲流傳民

間出令狐登
正陵遺事

昭宗

陝府唐昭宗有詩云安得有英雄迎歸大內中

或曰逍遙樓有太宗詩云昔乘匹馬去今驅萬乘來志意不侔矣

武后

天授二年臘卿相欲詐稱花發請幸上苑有所謀也許之尋疑有異圖先遣使宣詔曰明朝遊上苑火急報春知花須連夜發莫待曉風吹於是凌晨名花布苑群臣咸服其異后託術以移信作此皆妖妄不足信也凡太后之詩文皆元萬頃崔融輩為之

歲通天元年鑄九鼎成置於東都明堂之庭后自製曳鼎歌令曳鼎者唱和開元二年太子賓客薛謙光獻東都九鼎銘其蔡州鼎銘武后所製文曰犧農首出軒昊應期唐虞繼踵湯禹乘時天下光宅域內雍熙上玄降靈方建隆基紫薇令姚崇奏曰聖人啓運休兆必彰請宣付史館

明皇御名於此

徐賢妃

貞觀二十三年上疏諫太宗息兵罷後其略曰大業者易驕願陛下難之善始者難終願陛下易之又曰漆器非延叛之方桀造之而人

叛玉杯豈招亡之術紂用之而國亡侈麗之
源不可不遏作法於儉猶恐其奢作法於奢
何以制後

上官昭容

張說作昭容文集序云古者有女史記功書過
有女尚書決事宮闈昭容兩朝專美一日萬
機顧問不遺應接如響雖漢稱班媛晉譽左
嬪文章之道不殊輔佐之功則異迹秘九天
之上身沒重泉之下嘉猷令範代罕得聞庶
幾後學嗚呼可仰然則大君據四海之圖懸

百靈之命喜則九圍共頌怒則千里流
則黔黎又安動則蒼生罷弊入耳之語其
難乎貴而勢大者疑賤而禮絕者隔近而言
輕者忽遠而意忠者忤惟窈窕柔曼講被善
心忘味九德之衢傾情六藝之圃故登堯選
海之意寢剪胡刈越之威息瘡臺珍服之
消從禽嗜樂之端廢獨使溫柔之教漸於生
人風雅之聲流於來葉非夫元黃毓粹止明
助思衆妙扶識群靈挾志誕異人之寶授與
王之瑞其孰能臻斯懿乎鎮國太平公主道

高帝妹才重天人昔嘗共游東壁同晏北海
候來忽往物在人亡憫雕瑄之殘言悲素扇
之空曲上聞天子求椒房之故事有命史臣
叙蘭臺之新集

中宗正月晦日幸昆明池賦詩群臣應制百餘
篇帳殿前結綵樓命昭容選一篇為新韻御
製曲從臣悉集其下須臾紙落如飛各認其
名而懷之既退惟沈宋二詩不下移時一紙
非墜競逐而觀乃沈詩也及聞其評曰二詩
工力悉敵沈詩落句云微臣難朽

章才蓋詞氣已竭宋詩云不愁明月盡自有
夜珠來猶陡健舉沈乃伏不
詩曰春豫靈池近滄波帳殿
槎拂斗牛回節晦莫全落春
看浴景燒劫辯沉灰鑄飲周
才不愁明月盡自有夜珠來昭容名婉兒西
臺侍郎儀之孫父廷芝與儀死武后時母鄭
方姓夢巨人界大秤曰持此秤量天下昭容
生踰月母戲曰稱量者豈汝耶耶啞然應之
內秉機政符甘夢云自通天以來內掌詔命

中宗立進拜昭容帝引名儒楊曼賦詩婉兒常代帝及后長采麗益新又美靡然成風當時昭容力也幸后紹安大業末為監陽問行來奔直端亦嘗為御史晏詠石榴有詠

容帝引名儒楊曼賦詩婉兒寧安樂二公士象篇並作而第群臣所賦賜金爵故朝廷屬詞大抵浮靡然皆有可觀之敗斬闕下

察御史高祖時隋討賊河東見接遇高祖之入禪紹安自洛陽大悅拜內舍人時夏侯元來歸紹安以秘書監因侍為時來晚開不見春之句

德中令狐德本欲補正歷代史詔各差官修一代紹安以中書舍人與崔善為蕭德言主梁多歷年不能就皆罷之紹安在隋時與孫萬壽以文辭稱時謂孔孫

虞世南

顏師古隋朝遺事載洛陽獻合蒂迎輦花場帝令袁寶兒持之號司花女時詔世南草征遼指揮德音勅於帝側寶兒注視久之帝曰昔傳飛燕可掌上舞今得寶兒方昭前事然多憨態今注目於卿卿才人可便嘲之世南為

絕句曰學盡鴉黃半未成垂肩解袖太憨生
緣慙却得君王惜長把花枝傍輦行

魏證

太宗在洛陽宮幸頽翠池晏酣各賦一事帝賦
尚書曰日昃旣一日篇臨燈披五典夏康旣逸
豫商辛亦荒酒恣情昏主多克已明君鮮滅
身資累惡成名曰積善證賦西漢曰受降臨
軼道爭長趣鴻門驅傳渭橋上觀兵細柳屯
夜晏經柏谷朝遊出杜原終藉叔孫禮方知
皇帝尊帝曰證曰未嘗不約我以禮

李百藥

百藥七歲能屬詩齊中書舍人陸又嘗過其父
德林有說徐陵以文者云籍琅邪之裔坐客並
不識其事百藥進曰傳稱邠人籍稻注云邠
國在琅邪開陽縣人皆驚喜曰此兒卽神童
百藥幼多病祖母以百藥為名名臣之子才
行相繼四海名流莫不宗仰藻思沉鬱尤長
五言雖樵童牧子亦皆吟諷及懸車告老怡
然自得穿池鑿山文酒譚詠以盡平生之志
年八十五先是和太宗帝京篇手詔曰卿何

身之老而才之壯齒之宿而意之新乎子安
期永徽末遷中書舍人自德林至安期三代
掌制誥孫義仲又為中書舍人

長孫無忌

無忌朝歐陽詢形狀猥陋云聳膊成山字埋肩
畏出頭誰令懸閣上盡此一獼猴詢應聲曰
索頭連背煖湯禡福畏肚寒祇緣心渾渾所以
面團團太宗笑曰詢殊不畏皇后耶

王勃

太宗嘗謂唐飲酒杯流行發言可立吾是時天下

初定君臣俱必無為酒杯善謹理亦有之高
宗雖不君然亦深察事機當時諸王闖鷄王
勃在沛王府戲為文撒英王帝見之大怒曰
此殆交關之漸即日竄勃以太宗之賢杯酒
一時之樂何足為後世戒及其弊也中宗詔
群臣曰天下無事欲與群臣共樂於是迴波
豔辭妖冶之舞作於文字之臣而網紀蕩然
矣創業之難也一觴一味足以肇亂况其甚
焉者哉

馬周

凌朝浮江殊思佳
山遠疑無樹
沒還浮羈望

云太清初上日春水送孤舟
平似不流岸化開且落江鳥
千里長歌遣四愁

李義府

義府初遇以李士
義府曰日裏
樹不借一枝

亮劉洎之薦太宗召令誅烏
朝彩琴中聞夜帝上林如許
帝曰與卿全何止一枝

杜淹

杜淹始見素天
堂廣寬又曰二

於洛天網謂曰蘭臺成就學
十年外終恐負黜暫去即還

武德六年以善隱太子俱配流雋州淹至益
州見天網曰洛邑之言何其神也天網曰不
久即回至九年六月召入天網曰杜公至京
師即得三品要職淹至京拜御史大夫檢校
吏部尚書贈天網詩曰伊呂深可慕松喬定
是虛繫風終不得脫飛欲安如且珍執素美
當與薜蘿跡既逢揚得意非復久閑居

蘇味道

趙州蘇味道與里人李嶠號蘇李武后朝為相
世號模稜手上元云火樹銀花合星橋鐵鎖

開暗塵隨馬去明月逐人來游妓皆穠李行
歌盡落梅金吾不禁夜王漏莫相催

駱賓王

世稱王楊盧駱楊盈川之爲文好以古人姓名
連用如張平子之略談陸士衡之所記潘安
仁宜其陋矣仲長統何足知之號爲點鬼簿
賓王文好以數對如秦地重關一百二漢家
離宮三十六號爲筭博士帝京篇曰倏忽搏
風生羽翼須臾失浪委泥沙賓王後與徐敬
業興兵揚州大敗逃死此其識也

陳子昂

獨異記載子昂初入京不爲人知有賣胡琴者
價百萬豪貴傳視無辯者子昂突出顧左右
以千緡市之衆驚問答曰余善此樂皆曰可
得聞乎曰明日可集宣陽里如期偕往則酒
肴畢具置胡琴於前食畢捧琴語曰蜀人陳
子昂有文百軸馳走京轂碌碌塵土不爲人
知此樂賤工之後豈宜留心舉而碎之以其
文軸遍贈會者一日之內聲華溢都時武攸
宜爲建安王碎爲書記

李日知

鄭州李日知景龍初爲相初安樂公主館第成中宗臨幸燕從官賦詩日知卒章曰所願但知居者樂無使時稱作者勞獨以規戒睿宗他日謂曰向時雖朕亦不敢諫非卿亮直何能爾卽拜侍郎

李景伯

中宗宰相懷遠之子李景伯景龍初爲諫議大夫中宗宴侍臣酒酣各命爲迴波辭景伯獨爲箴規帝不悅蕭至忠曰真諫官也迴波

曰迴波爾時酒卮微臣職在箴規侍宴旣過三爵喧譁切恐非儀

崔融

又視元年改控鶴府爲奉宸府張易之爲奉宸令引詞人爲供奉佞者奏云昌宗王子晉後身令被羽衣吹簫乘木鶴奏樂於庭融賦詩爲絕唱有昔遇浮丘伯今同丁令威中郎才貌是藏史姓名非之句後與宰相蘇味道相誦云融詩所以不及相公無銀花合蘇有詩云火樹銀花合味道云子詩雖無銀花合還

有金銅丁取令威之句也

李適

初中宗景龍二年始於修文館置大學士四員
學士八員直學士十二員象四時八節十二
月於是李嶠宗楚客趙彥昭韋嗣立爲大學
士李適劉憲崔湜鄭愔盧藏用李又岑羲劉
子玄爲學士薛稷馬懷素宋之問武平一杜
審言沈佺期閻朝隱爲直學士又召徐堅韋
元旦徐立及伯劉允濟等滿員其後被選者不
一凡天子饗會游豫惟宰相直學士得從春

幸梨園並渭水祓除則賜柳圈辟癘夏宴蒲
萄園賜朱櫻秋登慈恩浮圖獻菊花酒稱壽
冬幸新豐歷白鹿觀登驪山賜浴湯池給香
粉蘭澤從行給翔麟馬品官黃衣各一帝有
所感卽賦詩學士皆屬和當時人所欽慕然
皆狎狻桃佞忘君臣禮法惟以文華取幸若
韋元旦劉允濟沈佺期宋之問閻朝隱等無
他稱景龍二年七月七夕御兩儀殿賦詩李
嶠獻詩云誰言七襄詠流入五絃歌是日李
步虛九月幸慈恩寺塔上官氏獻詩群臣竝

賦閏九月幸總持登淨園李嶠等獻詩十月
三日幸三會寺十一月十五日中宗誕辰內
殿連句為柏梁體二十一日安樂公主出降
武廷秀是月以婕妤上官為昭容十二月六
日上幸薦福寺鄭愔詩先成瞻是也宋之
問後進羈象法也三立春侍宴賦詩二十一日
幸臨渭亭李嶠等應制三十日幸長安故城
十二月晦諸學士入閣守歲以皇后乳母戲
適御史大夫竇從一往來其家遂三年元日
清暉閣登高遇雪宗楚客詩云蓬萊雪作山

是也因賜金絲人勝李嶠等七言詩研是
是日甚懼上令學士遞起雙舞至沈佺期
賦迴波有齒錄牙緋之語晦日幸昆明池宋
之問詩自有夜珠來之句至今傳之二月八
日送沙門元奘等歸荊州李嶠等賦詩十一
日幸太平公主南莊七月幸望春宮送朔方
節度張仁亶赴軍八月三日幸安樂公主西
莊九月九日幸臨渭亭分韻賦詩韋石十
一月一日安樂公主入新宅賦詩十五日中午
宗誕辰長寧公主滿月李嶠詩神龍見像日

仙鳳養雛年是也二十三日南郊徐彥伯上
南郊賦十二月十二日幸溫泉宮勅蒲州刺
史徐彥伯入仗同學士例因與武平一等五
人獻詩上官昭容獻七言絕句二首十四日
幸幸嗣立莊拜嗣立逍遙公名甘六居曰清虛
原幽棲谷十五日幸白鹿觀十八日遊秦始
皇陵四年正月朔賜群臣栢樹五日宴蓬萊
宮吐蕃使因爲栢梁體吐蕃舍人亦賦七日重宴大
明殿賜綵錢人勝又觀打毬八日立春賜綵
花二十九日晦幸滄水二月一日送金城公

主三日幸司農少卿王光輔莊旦八夕岑羲等
茗飲討論經史武平一論春秋出江日用請北
面日用贈武平一歌曰彼名流出左氏辭意
玄遠考冠今夕二十一日張曹至自朔方宴
于桃花園賦七言詩明日宴承慶殿李嶠桃
花園詞因號桃行三月一日清明幸梨園命
侍臣爲拔河之戲三日上巳後遊於渭濱賦
七言詩賜細柳園八日令學士昶勝同宴於
禮部尚書竇希琳亭賦詩張說在之序十一
日宴於昭容之別院二十七日李嶠入都附

廟徐彥伯等錢之賦詩四月一日幸長寧公
主莊六月幸興慶池觀競度之戲其日過希
琳宅學士賦詩二十九日御宴祝欽明為八
風舞諸學士曰祝公斯舉五經掃地盡矣睿
宗時道士司馬承禎還天台適贈詩詞甚美
朝士屬和三百餘人徐彥伯編為白雲記

徐彥伯

徐彥伯為文多變易求新以鳳閣為鵝閣龍門
為虬戶金谷為銑溪玉山為瓊岳竹馬為篠
驂月兔為魄兔進士效之謂之遊體

李嶠

皮日休松窓錄云中示寄召宰相蘇瓌李嶠之
子進見時皆同年中謂曰汝等各以所通書
取宜奏者為吾言之邈應曰木從繩則正后
從諫則聖嶠之子亡其名亦奏曰斯朝涉之
脛剖賢人之心帝曰蘇瓌有子李嶠無後

蘇邈

長安盛春遊邈製詩云飛埃結紅霧遊蓋飄青
雲明皇嘉賞以御化親挿其中上時榮之

沈佺期

張燕公說嘗謂佺期曰沈三兄詩須還他第一

佺期字雲卿相州人除給事中考功郎受賊

劫未究會張易之敗遂長流驩州稍遷台州

錄事參軍入計召見拜起居郎兼修文直學

士侍宴為弄辭悅帝賜牙緋尋為太子詹事

開元初卒性期波樂詞云期波爾時佺期

牙緋未復

魏建安後訖江左詩律屢變至沈約庾信以音

韻相婉附屬對精密及宋之問沈佺期又加靡

麗回忌聲病約句罕篇如錦繡成文學者宗

之號為沈宋語曰蘇李居前沈宋比肩謂蘇

武李陵也

李行言

景龍中中宗引近臣宴集令各獻伎為樂張錫

為談客娘舞宗晉卿舞渾脫張洽舞黃摩杜

元琰誦婆羅門呪行言唱駕車西河盧藏用

效道士上章國子司業郭山惲請誦古詩兩

篇誦鹿鳴蟋蟀未畢李嶠以詩有好樂無荒

之語止之行言隴西人兼文學幹事函谷關

詩為時人所許中宗時為給事中能唱步虛

歌帝七月七日御兩儀殿會宴帝命為之行
言於御前長跪作二洞道士青詞歌曲貌偉
聲暢上頰嘆美

張元一

武后朝左司郎中張元一善滑稽時西戎犯邊
武懿宗統兵禦之生邪畏懦而遜元一朝曰
長弓短度箭蜀馬臨高驕去賊七百里隈墻
獨自戰忽前逢著賊騎猶向南竄則天未曉
曰懿宗無馬耶元一曰騎猶夾豕也則天大
笑后嘗問元一外有何事曰有三慶旱而雨

洛橋成郭洪霸死

洪霸也

劉希夷

劉希夷一名庭之汝州人少工文華好為宮體

詩詞旨悲苦不為時人所重善彈琵琶嘗為

白頭翁諫云今年花落顏已改明年花開復

誰在既而自悔曰我此詩諷與石崇白首同

所歸何異乃更作一聯云十年歲歲花相似

歲歲年年人不同既而又其曰此句復仍似

向識矣然死生有命豈復有如此即兩存之詩

成未周歲為奸人所殺或云宋之問害之後

孫翌撰正聲集以希夷詩之句集中之最由是
大為人所稱賦至云今載此以稱在之問集中

張敬忠

先天中王主敬為侍御史自以才望華妙當入

有臺前行忽除膳部負外郎微有悵惋吏部

郎中張敬忠戲詠曰有意兼兵部專心望考

功誰知脚踏蹬幾落有墻東蓋膳部在有最

東北隅也

張說

張說謫岳州常鬱鬱不樂時平相以說機辯才

畧互相排以擯蘇頲方大用說與稷善

說因為五君詠致書封其詩以貽頲

誠其使曰當候忌日近暮送之使者

近暮至吊客多說先公僚舊頲覽詩

嗚咽流涕翌日上對大陳說忠正蹇

諤人望所屬不宜淪滯遐方上因降

璽書勞問俄遷荆州長史由是陸象

先帝嗣立張庭珪賈曾皆以譴逐歲

又因加甄叙頲以父之執有事之甚謹

王冷然上燕公書云詩曰投我以木炭

報之以瓊琚此言雖小可以喻大相
公五君詠曰婁涼丞相府餘慶在元
成蘇公一聞此詩移公於荆府積漸
至相由蘇待也今蘇屈居益部公座
廟堂投木報瓊義將安在亦可舉蘇
以自代然後為朔方之行冷然書又
曰相公岳陽樓送別詩云誰念三千
里江澤一老翁今日忘往之樓遲貪
暮年之富貴可乎

宋景

劉禹錫獻權舍人書曰昔宋廣平之沉下僚也
蘇公味道時為繡衣直指使者廣平投以梅
花賦蘇盛稱之自是方列於聞人之目名遂
振嗚呼以廣平之才未為走賦則蘇公未暇
知其人耶將廣平困於窮阨於躓然後為是
文耶是知英賢卓犖可外以字然猶用片言
借說於先達之口席其勢而後曠首當時矧
碌碌者疇能自異

王灣

王灣登先天進士第開元初為滎陽主簿馬懷

素欵校正群籍灣在選中廿部撰次後為洛陽尉商璠云灣詞翰早著二句天下所稱最者不過一二遊吳中江南意二句海日生殘夜江春入舊年詩人以來無聞二句張公居相府手題於政事堂每不能文二句人為楷式又擣衣篇云月華照杵空悲妾風迴日傳砧不見君所有眾製類咸若斯非張蔡廿之未見覺顏謝之彌遠乎江南意云南國二句新意東行伺早天潮平兩岸失風正一帆懸二句海日生殘夜江春入舊年從來觀氣象唯白二句此中偏

姚崇

口箴云君子欲訥吉人寡辭利口作戒長舌為詩斯言不善千里違之勿謂可復駟馬難追惟靜惟默澄神之極去甚去泰居物之外多言多失多事多害聲繁則濇音希則大室本無暗垣亦有耳何言者天成蹊者李似不能言為世所尊言不出口冠時之首無掉爾舌以速爾咎無易爾言亦孔之醜欵之謹之可大可久欵之伊何三命而走謹之伊何三緘其口勉哉夫子行矣勉旃書之屋壁以代韋

孩

李德裕吉箴序曰余宿于洞庭西亭與中書令姚公偶坐如舊相識問余曰君見僕所作口箴乎余對曰去歲居守東閭於公曾孫諫議邵處觀金石之刻遂莞爾而笑曰孫子猶能箴之又曰余感姚公之夢乃為吉箴云

趙仁獎

令乘駉馬去丞脫繡衣來仁獎送上蔡令潘好禮拜御史詩也或疑其假手蓋仁獎住王戎墓側善歌黃塵早景龍中負薪詣闕云助國調

鼎即除臺官中書令姚崇曰此是黃塵耶授以當州一尉惟以黃塵自銜宋務光嘲之曰趙仁獎出王戎墓下入朱博臺中捨彼負薪登茲列栢行人不避駉馬坐客惟聽黃塵忽一夫負兩束薪曰此合拜殿中人問其由曰趙以一束拜監察此兩束合授殿中

金昌緒

春怨詩云打却黃鸝兒莫教枝上啼幾回驚妾夢不得到遼西

陶取此詩為唐類詩

張九齡

九齡在相位有蹇諤匪躬之誠明皇既在位久
稍怠廢政每見帝極言得失林甫時方同列
陰欲中之將加朔方節度使牛仙客實封九
齡稱其不可甚不叶帝旨他日林甫請見屢
陳九齡頗懷誹謗于時方秋帝命高力士持
白羽扇以賜將寄意焉九齡惶恐因作賦以
獻又為燕詩以貽林甫曰海燕何微眇乘春
亦暫來豈知泥濘濺只見玉堂開繡戶時雙
入華軒日幾回無心與物競鷹隼莫相猜林
甫覽之知其必退恚怒稍解

王維

集異記載王維未冠文章得名妙能琵琶春之
一日岐公引至公主第使爲伶人進主前維
進新曲號鬱輪袍并出所作主大奇之令宮
婢傳教遂召試官至第論之作解頭登第
祿山之亂李龜年奔放江潭曾於湘中採訪使
筵上唱云紅豆生南國秋來發幾枝贈君多
採擷此物最相思又秋風明月苦相思蕩子
從戎十載餘征人去日慙慙囑歸鴈來時數
附書此皆王維所製而梨園唱焉

王維年十七時九日憶山東弟兄云獨在異鄉
為異客每逢佳節倍思親遙知兄弟登高處
遍插茱萸少一人祿山大會凝碧池梨園弟
子軟歎泣下樂工雷海清擲樂器西向大慟
賊支解於試馬殿維時拘於菩提寺有詩曰
萬戶傷心生野烟百僚何日更朝天秋槐落
葉沐宮裏凝碧池頭奏管絃後有罪以此詩
獲免寧主憲貴盛寵妓數十人有賣餅之妻
纖白明娟王一見屬意因厚遺其夫求之寵
愛逾等歲餘因問曰汝復憶餅師否使見之

其妻注視雙淚垂頰若不勝情時王坐客十
餘人皆當時文士無不悽異王命賦詩維先
成云莫以今時寵難忘異日恩看花滿眼淚
不共楚王言坐客無敢繼者王乃歸餅師以
終其志

出本
事詩

或說維詠終南山詩譏時也詩曰太一近天都
連山接海隅言勢焰盤據朝野也白雲回望合
青靄入看無言徒有其表也分野中峯變晴
陰衆壑殊言恩澤偏也故人投宿處隔水問
樵夫畏禍深也

商璠云維詩辭秀調雅意新理愜在泉為珠著
壁成繪一字一句皆出常境至如落日山水
好漾舟信歸風又澗芳襲人衣山月映石壁
又天寒遠山靜日暮長河急又賤日豈殊衆
貴來方悟稀又日暮沙漠陲戰聲煙塵裏詎
肯慚於古人也

王縉

王縉九月九日作云莫將邊地比京都八月嚴
霜草已枯今日登高樽酒裏不知能有菊花
無

賀知章

賀知章年八十六臥病冥然無知疾損上表乞
為道士還鄉明皇許之捨宅為觀賜名千秋
命其男曾子會稽郡司馬賜鑑湖剡川一曲

元乞官湖一曲為故
生池因賜剡川一曲詔令供帳東門百僚祖

餞御製送詩并序云天寶三年太子賓客賀
知章鑒止足之分抗歸老之疏解組辭榮志
期入道朕以其年在遲暮用循掛冠之事俾
遂赤松之遊正月五日將歸會稽遂餞東路
乃命六卿庶尹大夫供帳青門寵行邁也豈

惟崇德尚齒抑亦勵俗勸人無令二疎獨光
漢冊乃賦詩贈行詩云遺榮期入道辭老竟
抽簪豈不惜賢達其如高尚心環中得祕要
方外散幽襟獨有青門餞群英悵別深又云
慈開百壺餞詔許二疎歸仙記題金籙朝章
換羽衣悄然承睿藻行路滿光輝

李嘉祐

送王收往吉州謁王使君云細草綠汀洲王孫
柰薄遊年華初冠帶文體舊弓裘野渡花爭
發春塘水亂流使君矜小阮應念倚門愁

代夏江陰官舍寄裴明府云萬里邊江次孤城
對海安朝霞晴作雨濕氣曉生寒苔色侵衣
桁潮痕上井欄題書招茂宰思爾欲辭官

高武云嘉祐袁州人振藻天朝大收芳譽中興
高流也與錢郎別為一體往往涉於齊梁綺
羨婉麗蓋吳筠何遜之敵也至於野渡荒爭
發春塘水亂流朝霞晴作雨濕氣晚生寒文
華之冠冕也又禪心超忍辱楚語問多羅設
使許詢更生孫綽復出窮思極筆未到此境

張均

均丞相說之子也說最鍾愛其情見於岳州別
均之詩說為丞相相知官考均時任中書舍人
特住之曰父教子忠古之善訓祁奚舉平義
不務私至於潤色王言彰施帝載道參墳典
例絕功常恭聞前烈尤難其任豈以嫌疑敢
撓綱紀考上下均能文為大理卿祿山盜國
為偽中書令免死流合浦

王誣

除夜云今歲今宵盡明年明日催寒隨一夜去
春逐五更來氣色空中改容顏暗裏不回風光

人不覺已着後園梅

孟浩然

皮日休孟亭記云明皇世章句之風大得建安
體論者推李翰林杜工部為充介其間能不
愧者惟吾鄉之孟先生也先生之作遇景入
詠不拘奇抉異令齟齬東人口者涵涵然有
下霄之興若公翰氏當巧而不巧者也北齊
美蕭愨芙蓉露下落楊柳月中疎先生則微
雲澹河漢疎雨滴梧桐樂府美玉融日霽沙
嶼明風動甘泉燭先生則有氣蒸雲夢澤波

動岳陽城謝朓之詩句精者有露濕寒塘草
月映清淮流先生則有荷風送香氣竹露滴
清響此與古人爭勝於毫釐間也

建德江宿云移舟泊煙渚日暮客愁新野曠天
低樹江清月近人

陶峴

陶峴彭澤之孫也開元末家峴山泛游江湖自
制三舟與孟彥深孟雲卿焦遂共載吳越之
士號為水仙省親南海獲崑崙奴名摩訶善
泗水至西塞山下泊舟吉祥佛寺見江水深

黑謂必有怪物投劍命摩訶下取火之支體
磔裂浮於水上峴流涕迴棹賦詩自叙不復
遊江湖矣詩云匡廬舊業是誰主吳越新居
安此生白髮數莖歸未得青山一望計還成
鴉翻楓葉夕陽動鷺立蘆花秋水明從此捨
舟何所詣酒旗歌扇正相迎

王昌齡

昌齡字少伯江寧人中第補校書郎又中博學
宏詞科遷汜水尉不護細行世亂遠鄉里為
刺史閭丘曉所殺工詩績而思清時謂王江

寧

奉帚平明金殿開且將團扇共徘徊玉顏不及
寒鴉色猶帶昭陽日影來

李清

詠石季倫云金谷繁華石季倫只能謀富不謀
身當時縱與綠珠云猶有無窮歌舞人清登
天寶十二年進士第

韓滉

聽樂二以然自述萬事傷心對管絃一身含淚向
春煙黃金用盡教歌舞留與他人樂少年

王之渙

出塞詩云黃沙直上白雲間一片孤城萬仞山
羌笛何須怨楊柳春風不過玉門關

之渙并州人與兄之咸之賁皆有文天寶間人
樂天作滁州刺史鄭昉墓誌云與王昌齡王
之渙崔國輔聯唱迭和名動一時

劉長卿

劉長卿字文房至監察御史以檢校祠部員外
郎為轉運使判官知淮南鄂岳轉運留後鄂
岳觀察使吳仲孺誣奏貶播州南巴尉會有

為之辯者除睦州司馬終隨州刺史以詩馳
聲上元寶應間皇甫湜云詩未有劉長卿一
句已呼宋玉為老兵矣語未有賂賓王一字
已罵宋玉為罪人矣其名重如此

高仲武云長卿員外有吏幹而犯上兩度遷謫
皆自取之詩體雖不新奇甚能鍊飾十首已
上語意稍同於落句尤甚此其短也然春風
吳草綠古木剡山深明月滄洲路歸雲不可
尋又沙鷗驚小吏明月上高枝又細雨濕衣
看不見閑花落地聽無聲截長補短蓋玉微

之類歟又得罪風霜苦全生天地仁傷而不
怨亦足以發揮風雅矣

過張明府別業云寥寥東郭外白首一先生考
滿孤琴在家移五柳成夕陽臨水釣春雨向
田耕終日空林下何人識此清

餘干祿舍云搖落暮天迥青楓霜葉稀孤城向
水閑獨鳥背人飛渡口月初上鄰家漁未歸
鄉心正欲絕何處擣寒衣

送李中丞之襄州云流落征南將曾驅十萬師
罷歸無舊業老去戀明時獨立三朝識輕生

一劍知茫茫江漢上日暮欲何之

送嚴士元云春風倚棹闌闌城水國猶寒陰復晴細雨濕衣看不見閑花落地聽無聲日斜江上孤帆影草綠湖湖南萬里程東道若逢相識問青袍今已誤儒生

草八元

八元題慈恩塔云十層突兀在虛空四十門開面面風却怪鳥飛平地上自驚人語半天中迴梯暗踏如穿洞絕頂初攀以出籠落日鳳城佳氣合滿城春樹雨濛濛或云元白見其

詩曰嚴維出此弟子

高仲武云八元嘗於郵亭偶題數句蓋效元楚以辭家維大異之遂親指喻數年充賦權第至如雪晴山脊見沙淺浪痕交得山水狀貌也八元睦州人登大曆進士第

韋應物

李肇國史補云開元後位卑而名著李北海邑王江寧昌齡李館陶鄭廣文虔元魯山德秀蕭功曹穎士張長史旭獨孤常州及崔比部元翰梁補闕蕭韋蘇州其一也應物仕宦本

未似止於蘇案白傳蘇州答劉禹錫詩云敢
有文章替左司謂應物也官緝亦止此郡齋
雨中與諸文士燕集詩云兵衛森盡戟燕寢
疑清香海上風雨至逍遙池閣涼煩疴近消
散嘉賓復滿堂自慚居處崇未覩斯民康理
會是非遣性達形跡忘鮮肥逐時禁蔬果幸
見嘗俯飲一杯酒仰聆金玉章神歡體自輕
意欲凌風翔吳中盛文史群彥今汪洋方知
大藩地豈曰財賦彊○欲持一瓢酒遠寄風
雨夕句萬籟自生聽太空常寂寥還從靜中

起却向靜中銷
句山深松子落幽人應未眠
句舟泊南池雨簾捲北樓風句

應物寄全椒山中道士云今朝郡齋冷忽憶山
中客澗底拾枯松歸來煮白石欲持一瓢酒
遠寄風雨夕落葉遍空山何處尋行跡

朱放

放字長通襄州人隱居剡溪嗣曹王臯鎮江西
辟節度參謀正元中召爲左拾遺不就
送著公歸越云誰能愁此別到越會相逢長憶
雲門寺門前千萬峯石床堆積雪山路倒枯

松莫學白道者無人知去蹤

李泌

鄴侯家傳云泌賦詩譏揚國忠曰青青東門柳
歲晏復憔悴國忠訴于明皇上曰賦柳為議
卿則賦李為譏朕可乎

暢當

當詩平淡多佳句如釣渚亭云花發多遠意鳧
鴈有閑情暉暉耿不暮平江寂無聲天柱隱
所云荒徑饒松子深蘿絕鳥聲陽崖全帶日
寬嶂偶通耕山居云水定鶴翻去松欹峯儼
如又寒林蒼已晚菊風絮露垂楊湖畔聞漁唱
天邊數鴈行皆有意

皇甫冉

高仲武云皇甫冉補闕自擢桂禮闈遂為高格
往以世道艱虞避地江外每文章一到朝廷
作者變色於詞場為先輩推薦即為伯仲誰
家勝負或心鹿中原如果熟任霜封籬疎從
水渡又衰霞收新稼迎寒葺舊廬又燕知社
日辭巢去燕為重陽冒雨開可以雄視潘張
平揖沈謝又巫山詩終篇皆麗自晉宋齊梁

周隋以來按不撥者無數而補闕獲驪珠使前
賢失步後輩干却立自非天假何以迨斯恨長
轡未馳而此夕蘭早凋悲夫

送韓司直云按吳還適越來往任風波復送王
孫去其如表甘草何岸明殘雪在潮滿夕陽多
季子留遺而朝亭舟試一過

西陵寄一公二公西陵遇風處自古是通津終日
空江上雲山若待人汀洲寒事早魚鳥興情

新南望山陰山路吾心有所親

姚合
甲四
詩
為極玄集

秋日東林之作下云閑看秋水心無事臥對寒松

手自栽廬岳古尚僧留偈別茅山道士寄書來
燕知社日辭果去菊為重陽冒雨開淺薄將
何稱獻納臨上岐終日自遲迴

皇甫曾

張芳見訪郊居云林中雨散早涼生已有迎秋
促織聲三徑荒蕪羞對客十年衰老愧稱兄
愁心自惜江籬短世事方看木槿榮君若罷
官攜手日尋山莫算白雲程

曾與劉長卿方善曾過長卿碧澗別業詩云謝
客開山後郊扉出去通江湖十年別衰老一

樽同反照寒川滿平田暮雪空滄洲自有趣
不復泣途窮長卿和云荒村帶晚照落葉亂
紛紛古路無人行客寒村獨見君野橋經雨斷
澗水向田分不為憐同病何人到白雲曾又
寄長卿云南憶新安郡千山帶夕陽斷猿知
夜久秋草助江長鬢髮應成素青松獨見霜
愛才稱漢主題賦待田郎長卿和云離別江
南北汀洲葉再黃路遙雲共水砧迥月如霜
歲儉依仁政姑臧相國年衰憶故鄉佇看宣
室召漢法倚張綱

秦系

系呈韋蘇州云夕臥雲間已息機青袍忽著狎
鷗飛詩興到來無一事郡中今有謝元暉

系字公緒會稽人隱泉州南安九日山張建封
聞系不可致就加校書郎自號東海釣客與
劉長卿善權德輿曰長卿自以為五言長城
系用偏師攻之六韋答系云知掩山扉三十
秋魚鬚翠碧滿小頭莫道謝公方在郡五言
今日為君休蓋以五言得名久矣年八十餘
歲卒南安人號六峯為高士峯

山中贈張評事時
注五千言流水
上客桂實落共
系家剡山向盈一
於留守薛公無
意所不欲以在
那敢議輕肥
野興辟書令遣
上群鷗盡欲飛
有光輝

以右衛佐云終年常避喧
雨過院春風與閉門山茶邀
何事教予起微官不足論
祀大曆五年人或以其文聞
何奏系右衛率府倉曹叅軍
鮮免因將命者獻詩云由來
契行歌自採薇逋客未能忘
脫荷衣家中匹婦空相笑池
史乞大賢容小隱益看愚谷

顧况

况字通翁姑蘇人至德進士性詆諧與柳渾李
泌為方外友德宗小時渾輔政以秘書郎召及
泌相自謂當得達官久之遷著作郎况坐詩
語調詭貶燒州司戶居於茅山以壽終皇甫
湜為况文集序云一偏於逸歌長句駿發踔厲
往往若穿天心山月脇意外驚人語非常人
所能及最為快也其為人類其章句云
山中作云野人愛向
山中宿况在葛洪丹井西
處前有箇長松樹
半夜子規來上帝又汀洲

渺渺江籬短疑是疑非兩斷腸句巫峽朝雲

喜不歸洞庭春水晴空滿句頽垣化為陂陸

地堪乘舟句大姑山盡小姑出月照洞庭行

客舫句

朱絳

春女怨云獨坐紗窗刺繡遲紫荆枝上轉黃鸝

欲知無限傷春音盡在停針不語時此頽垣句

選類

揚志堅

顏魯公為臨川內史邑有揚志堅者嗜學而貧

妻厭之一日告離志堅以詩送之曰平生志

業在琴詩頭上如今有二絳漁父向知谿谷

暗山妻不信出身遲荆叙任意撩新鬢明鏡

從他別畫眉今日便同行路客相逢即是下

山時妻持詩詣州請公求別醮顏公案其

妻曰王歡之廩既虛豈道黃卷朱叟之妻必

去寧見錦衣汚辱鄉閭傷風俗若無褒貶

僥倖者多遂畫之後無盡其六者

劉方平

秋夜泛舟云林塘夜泛舟為響荻颺颺萬影皆

因月千聲各為秋歲華亦工復晚鄉思不堪愁
西北浮雲外伊川何處流
方平春怨云紗窗日落漸暮昏金屋無人見淚
痕寂寞庭春今又晚黎花兀滿地不關門

戎昱

憲宗朝北狄頻寇邊大臣去不議古者和親有五
利而無千金之費帝曰明有士子能為詩而
姓名稍僻是誰宰相對以包子虛冷朝陽皆
非也帝遂吟曰山上青松照上塵雲泥豈合
得相親世路盡嫌良馬瘦唯君不棄臥龍貧

千金未必能移性一諾從來許殺身莫道書
生無感激寸心還是報因人侍臣對曰此是
戎昱詩也京兆尹李鑾疑以女嫁昱令其改
姓昱辭焉帝悅曰朕又得詠史一篇云漢
家青史內計拙是和親社稷因明主安危託
婦人豈能將玉貌便欲靜胡塵地下千年骨
誰為輔佐臣帝笑曰魏絳之功何其偉也大
臣遂息和戎之論矣

柳柳

柳與李端盧綸友善有賊平後送客還鄉詩云

他鄉生白髮舊國有青山最有思致

薛紆

勅贈康尚書美人云天開喜氣曉氛氲聖主臨
軒召冠軍欲令從此行霖雨先賜巫山一片
雲康尚書日知也德宗時斬李惟岳以功擢
為深趙節度遷奉誠軍陸晉絳紆德宗時河
東詩人也

元載

王忠嗣鎮北京以女韞秀歸元載歲久見輕韞
秀勸之遊學元乃遊秦為詩別韞秀曰年來

誰不厭龍鍾雖在侯門似不容看取海山寒
翠樹若遭霜霰到秦封妻請偕行曰路掃饑
寒跡天哀志氣人休零別離淚携手入西秦

元到京屢陳時務深符上旨肅宗擢拜中書寄
諸姨妹詩曰相闥已隨麟閣貴家風第一右
丞詩并年解笑鳴機婦耻見蘇秦富貴時元
肅代兩朝宰相貴盛無比復為一篇以喻之
曰楚竹燕歌勅畫梁春蘭重接舞衣裳公孫
開館招佳客知道浮雲不久長
元貪恠被誅上令王氏入宮漢曰二十年太原

節度使女十六年宰相妻誰能為長信昭陽
之事死亦幸矣京兆答競

楊郇伯

妓人出家云盡出花鈿與四鄰雲鬟剪落厭殘
春暫驚風燭難留世便是蓮花不染身貝葉
欲翻迷錦字梵聲初學誤梁塵從今艷色歸
空後湘浦應無解佩人

梁銜

詠木老人云刻木牽絲作老翁鷄皮鶴髮與真
同須臾弄罷寂無事還似人生一夢中

明皇
還西

內每詩

戴叔倫

戴叔倫字幼公澗州人師事蕭穎士為門人寇
劉晏管鹽鐵表主管湖南至雲安楊子琳反
馳客劫之曰歸金幣可緩死叔倫曰身可殺
財不可得乃捨之累遷至容管經畧德宗嘗
賦中和節詩遣使者寵賜代還卒
吳明府自遠來留宿云出門逢故友衣服滿塵
埃歲月不可問山川何處來倚城容弊宅散
職寄靈臺自此留君醉相歡得幾回

除夜宿石頭驛云旅館誰相問寒燈獨可親一
年將盡夜萬日未歸人寥落悲前事支離笑此
身愁顏與衰鬢明日去逢春

送友人東歸云萬里楊柳色出關逢故人輕烟
拂流水落日照紅塵積夢江湖闊憶家兄弟
貧徘徊灞亭上不語自陽春

于鵠

鵠大曆正元間詩人也為諸府從事居江湖間
有卜居漢陽及荆南陪樊尚書賞花詩自述
曰三十無名客空山獨臥秋豈以詩窮者耶

老大看花猶未足沿江正遇一枝紅日斜人
散東風急吹向誰家明月中陳慥送死多
於生幾人得終老白

鵠客遊邊云若到并州北誰人不憶家寒深無
去伴路盡有平沙磧冷唯逢鴈天春不見花
莫隨邊將意垂老事輕車

江南曲云偶向江邊採白蘋還須女伴賽江神
衆中不敢分明語暗擲金錢卜遠人韋莊

集

李益

益姑臧人字君虞大曆四年登第其受降城聞
笛詩教坊樂人取為聲樂度曲又有寫征人
歌早行詩為圖畫者迴樂峰前沙似雪之詩
是也益有心疾不見用及為幽州劉濟營田
副使獻詩有感恩知有地不上望京樓之句
左遷右庶子年且老門人趙宗儒自宰相罷
免年七十餘益曰此吾為東府所選進士也
聞者憐益之困後遷禮部尚書致仕卒
閑庭草色能留馬當路楊花不避人句 茹蕭
漢恩繁旌旗邊色故句 馬汗凍成霜 句

耿偉

許州書情寄韓張二舍人云謫官軍城老更悲
近來頻夢到丹墀乍燃乍滅心中火惟攝惟
多鬢上絲繞院絲苔聞鴈處滿庭黃葉閉門
時故人高步雲衢上肯念前程杳未期
贈朗公云來自西天竺持經奉紫微年深梵語
變行苦俗人歸月上安禪久苔生出院稀深
間有馴鴿不去為無機
秋日云返照入閭巷憂來與誰語古道無人行
秋風動禾黍

書情逢故人云因君知此事流恨已忘機客久
多人識年高衆病歸連雲潮色遠度雪鴈聲
稀又說家林盡悽傷淚滿衣

贈張將軍云寥落邊城暮重門返照間鼓聲驚
雨暗士馬過秋閑慣守臨邊郡曾營近海山
關西舊業在夜夜夢中還

醜暢當云同遊漆沮後已是十年餘幾度曾相
夢何時定得書月高城影盡霜重柳條疎且
對樽中酒千般想未如書情逢人以下
姚合取為文集
偉寶應元年進士為左拾遺詩有家貧謹讓

官罷及朋疎世多傳之

盧綸

長安春望云東風吹雨過青山却望千門草色
閑家在夢中何日到春來江上幾人還川原
繚繞浮雲外宮闕小差落照間誰念為儒多
失意獨將衰鬢客示關

綸德宗時為戶部郎中舅常渠年表其才召見
禁中帝有所作輒為賞和異日問渠年盧綸
李益何在荅曰綸從渾瑊在河中驛召之會
卒文宗尤愛其詩問宰相盧綸文章幾何亦

有子否李德裕對綸四子皆擢進士第在臺閣帝遣人悉索家笥得詩五百篇以聞

得嶺南故人書云瘴海寄雙魚中霄達我居兩行燈下淡一紙嶺南書地說炎蒸極人稱老病餘殷勤祝賈誼莫共酒盃踈

題興善寺後池云隔窓接白鶴似與鏡湖鄰月照何年樹花逢幾代八岸沙青有路苔逕綠無塵願得容依止僧由老此身

送李端云故關衰草遍離別自堪悲路出寒雲外人歸暮雪時少孤五客慣多難識君遲掩

淚空相向風塵何所期寄嶺南故人集以下

韓翃

侯希逸鎮淄青翃為從事罷府閑居十年李勉鎮夷門辟為幕屬時已遲暮不得意多家居一日夜將半客叩門急賀曰負外除駕部郎中知制誥翃愕然曰誤矣客曰邸報制誥闕人中書兩進名不從又請之曰與韓翃時有同姓名者為江淮刺史又具二人同進御批曰春城無處不飛花寒食東風御柳斜日暮漢宮傳蠟燭青煙散入五侯家又批曰與此

韓翃客曰此負外詩耶翃曰是也是不誤時
建中初也

南部新書云昇平公主宅即席李端擅場送王
相之幽鎮翃擅場送劉相巡江淮錢起擅場
德宗西幸有神智駘如意騮二馬謂之功臣一
日有進瑞鞭者上曰朕有二駿今得此可為
三絕因吟翃觀調馬詩云鴛鴦赭目齒新齊
曉日花間放碧蹄玉勒乍迴初噴沫金鞭欲
下不成嘶高仲武云韓負外意放經史興致
繁富一篇一詠朝野珍之多士之選也至如

星河秋一鴈砧杵_七衣千家又客衣筒布細山
舍荔枝繁又踈簾_山有雪捲深戶映花關方之
前載則芙蓉出水_上不足多也其比興深於劉
負外筋節減於皇_上用冉也

題薦福衡岳禪師房云春城乞食還高論此中
閑僧臘堦前樹禪心江上山踈簾看雪捲深
戶映花關晚送門人去鍾聲杳靄間
世傳翃有寵姬柳氏翃成名從辟淄青置之都
下數歲寄詩曰章臺柳顏色青青今在否縱
使長條似舊垂也應攀折他人手柳荅曰楊

柳枝芳菲節可恨年年贈離別一葉隨風忽
報秋縱使君來當一堪折後果為番將沙吒利
所劫翎會入中書道逢之謂永訣矣是日臨
淄大校置酒疑知不樂具告之有虞候將許
俊以義烈自許所詐取得之以授韓希逸聞
之曰似我往日所為也俊復能之翎後為夷
門幕府後生共為惡詩輕之

錢起

高仲武云詩格清奇理致清澹粵從登第挺冠
詞林文宗右丞許以高格右丞沒後負外為

雄章齊宋之浮游削梁陳之靡曼迥然獨立
莫如鳥道過疎雨人家殘夕陽又
牛山少煙火隔林深又長樂鐘聲花外
盡龍池柳色雨中深皆特出意表標準古今
又窮達戀明主耕桑亦近郊則禮義克全忠
孝兼著足以弘長名流為後措式

送僧歸日東云上國隨緣去東途若亭行淨天
滄海遠去世法舟輕水月通禪觀魚龍聽梵
聲唯憐慧燈影萬里眼中明

送僧自吳遊蜀云隨緣忽西去何日返東林世

路無期別空門不住心人煙一飯少山雪獨
行深天外猿聲夜誰聞清梵音

送征鴈云秋空萬里靜嘹唳獨南征風急翻霜
冷雲開見月驚塞長憐去翼影滅有餘聲悵
望遙天外鄉愁滿日生

裴迪書齋望月云夜來詩酒興月上謝公樓影
閉重關靜寒生獨樹秋鵲驚隨葉散螢遠入
煙流今夕逢天末清暉幾處愁

送彈琴李長史赴洪州云抱琴為傲吏孤棹復
南行幾度秋江水皆添白雪聲佳期來客夢

幽興緩王程佐牧無勞問心平政自平

姚姪
極始集為

贈闕下裴舍人云二月黃鸞飛上林春城紫禁
曉陰陰長樂鍾聲花外盡龍池柳色雨中深
陽和不改窮途恨霄漢常懷捧日心獻賦十
年猶未遇羞將白髮對華簪

題玉山村叟壁云谷口好泉石居人能陸沉牛
羊上山少煙火隔林深一徑入溪色數家連
竹陰葺虹辭晚雨驚隼落殘禽涉趣皆流目
將歸必在林却思黃綬事辜負紫芝心

司空曙

酬張芬有赦後見贈云紫鳳朝銜五色書陽春
忽報網羅除已將心變寒灰後豈料先生腐
草餘建水風煙牧客淚杜陵花竹亭郊居勞
君故有詩相贈欲報瓊瑤恨不如

經廢寶光寺云黃葉前朝寺無僧寒殿開池晴
龜出曝松暝鶴飛迴古砌碑橫草陰廊盡雜
苔禪宮亦消歇塵世轉堪哀

喜外弟盧綸見宿云靜夜四無鄰荒居舊業貧
雨中黃葉樹燈下白頭人似此獨沉久愧君

相見頻平生自有分况是蔡家親

崔峒

江上書懷云骨肉天涯別江山日落時淚流襟
上血髮白鏡中絲胡越書難到存亡夢豈知
登山迴首罷形影自相隨

喜逢妻弟鄭損因送入京詩云亂後自孤征相
復喜逢鷺為經多載別欲問小時名對酒悲
前事論文畏後生遙知盈卷軸紙貴在江城
高仲武云峒詩文彩煥發意思雅淡如清磬度
山翠閑雲來竹房又流水聲中視公事寒山

影裡見人家此亦披沙鍊金時時見寶也
洞登進士第為拾遺入為集賢學士後終州刺
史或云終元武令文藝傳云終右補闕寄
李明府云松堂寂對煙霞五柳門前集晚鴉
流水聲中視公事寒山影裡見人家觀風共
美新為政計日還應更觸邪可惜陶潛無限
酒不逢籬菊正開花

李端

贈郭駙馬詩云謝公詩子曠尚煤平青春都尉
最風流二十功成便拜侯金距關鷄過上苑

玉鞭騎馬出長秋薰香荀令偏憐少傅粉何
郎不解愁日暮吹簫楊柳陌一人遙指鳳凰
樓

又云方塘似鏡草芊芊初月如鈞未上弦新開
金埒看調馬舊賜銅山許鑄錢楊柳入樓吹
玉笛芙蓉出水妬花鈿今朝都尉如相許願
脫長裙學少年

蜀路有飛泉亭中詩板百餘篇後薛能佐李福
於蜀道過此題云賈掾曾空去題詩豈易哉
悉去諸板惟留端巫山高一篇而已

端賦巫山高云巫山十二峰皆在碧虛中回合
雲藏日霏微雨帶風猿聲寒過水樹色暮連
空愁向高唐望秋風見楚宮

茂陵山行陪韋金部云宿雨朝來歇空山天氣
清盤雲雙鶴下隔水一蟬鳴古道黃花落平
蕪赤草生茂陵雖有病猶得伴君行

燕城懷古云風吹城上樹草沒邊城路城裏月
明時精靈自去來

冷朝陽

洛州節度薛嵩有青衣善彈阮咸琴手紋隱起

如紅線因以石之一日辭去朝陽為詞曰
羨歌怨木蘭舟送客竟銷百尺樓還似洛妃
乘霧去碧天無際水東流

實叔向

叔向字遺直京兆人代宗時常袞為相用為左
拾遺內供奉及貶亦出為溧水令四子登第
羣以處士隱毗陵韋夏卿薦之朝德宗擢為
左拾遺代武元衡為中丞薦呂溫羊士諤為
御史李吉甫以二人躁險持不下羣怨吉甫
伺吉甫陰事幾為憲宗所誅羣與兄弟年常

庠鞏皆為郎工詞章為聯珠集傳於時義取
昆弟若五星然

叔向寒食賜恩火云恩光及小臣華燭忽驚春
電影隨中使星輝拂路人幸因榆柳煖一照
草茅貧

端午日恩賜百索云仙官長命縷端午降殊私
事盛蛟龍見恩深犬馬知餘生儻可續終冀
荅明時

竇常

常任武陵寒食一日次松滋渡先寄劉員外云杏

花榆莢曉風前雲際離離上峽船江轉數程
淹驛騎楚魯三尸少人煙看春又遇清明節
筭老重經癸巳年幸得佳山當郡舍在朝常
詠卜居篇常乃叔向子叔

竇鞏

代隣叟云年來七十罷耕桑就煖支羸強下床
滿眼兒孫身外事閑梳白髮對殘陽

寄南遊弟兄云五言來未報幾時還知在三湘五
嶺間獨立衡山秋水濶寒鴉飛去日街山

常建

清晨入古寺初日朗高林竹徑通幽處禪房花木深山光悅自性潭影空人心萬籟此都寂

但餘鍾磬音此禪院

歐陽永叔云吾嘗日愛建竹徑通幽處禪房花木

深欲效其語作一一聯竟不可得始知造意者

難為工也

丹陽殷璠撰河上英靈集首列建詩愛其山光

悅鳥性潭影空人心

殷璠云高才而無貴位誠哉是言也曩劉禎死

於文學左思終於記室鮑昭卒於參軍今常

建亦滿於一尉悲夫建詩似初發通莊却尋

野逕百里之外方歸大道所以其旨遠其興

僻佳句輒來惟世論意表至如松際露明月清

光猶為君又山光悅鳥性潭影空人心此例

數十句並可稱為警策一篇盡善者戰餘落

日黃軍敗鼓聲死今與山鬼隣殘兵哭遼水

思既邈苦詞入警絕潘岳雖云能叙悲怨未

見如此章句也

弔王將軍墓云姦姚征伐時深入疆千里戰餘

落日黃軍敗鼓聲死常聞漢飛將可奪單于

壘今與山鬼
降殘兵哭遼水

李約

沂公勉之子也為兵部外郎與主客外郎張諗
同官每單床靜言達旦不寐贈韋徵君况詩
曰我有心中事不向韋三說秋夜洛陽城明
月照張八

觀祈雨云桑條無葉土生煙蕭管迎龍水廟前
朱門幾處耽歌舞猶恐春陰咽管絃

從軍行云看圖閑教陣畫地靜論邊烏壘天西
戍鷹窠塞上川路長唯筭月書速每題年無

復生還望翻思未別前又候火起鷓鴣城塵沙

擁戰聲游軍藏虜幟降騎說蕃情霜落滄池

淺秋深太白明嫖姚方虎視不覺說添兵

約雅度簡遠有山林之致在潤州得古鐵一片

擊之清越又養一猿名山公月夜泛江登金

山鼓琴猿必嘯和曾佐庶人李錡幕至金陵

屢請招隱寺標致一日庶人宴寺中明日謂

曰子嘗稱招隱標致昨日遊宴何殊州中約

曰某所賞者踈野耳若遠山將翠幕遶古松
用絲物裹羶腥浣鹿跑泉音樂亂山鳥聲此

則實不如在叔父大廳也性又嗜茶能自煎
曰茶須緩火炙活火煎活火炭有焰者曾奉
使行陝州峽石縣東愛渠水清流旬日忘發
梁武造寺令蕭子雲飛白大書一蕭字約自
江淮竭產致歸洛中扁於小亭號曰蕭齋

陳通方

通方登正元進士第與王播同年播年五十六
通方甚少因期集撫播誓曰王老奉贈一第
言其日暮途遠及第同贈官也播恨之後通
方丁家難辛苦萬狀播捷三科為正郎判益

鐵通方窮悴求助不甚給之時李虛中為副
使通方以詩求為汲引云應念路傍憔悴翼
昔年喬木幸同遷播不得已薦為江西院官

楊炎

元載末年納薛瑤英為姬處以金絲帳却塵褥
衣以龍銷衣載以瑤英體輕不勝重衣於異
國求此服也惟賈至與炎雅與載善往往時
見其歌舞至贈詩曰舞怯銖衣重笑疑桃臉
開方知漢成帝空築避風臺炎亦贈歌云雪
面淡眉天上女鳳蕭鸞翹欲飛去玉容翹翠

步無塵楚屐如耕不勝春

炎字公南常袞長於除書炎善德音自開元後
言制詔者稱常揚元載與炎同郡炎又元出
也故擢炎禮部侍郎德宗時位宰相

裴度

公赴敵淮西題名華嶽廟之關門大順中戶部
侍郎司空圖以一絕紀之曰嶽前大隊赴淮
西從此中原息戰聲石關莫教苔蘚上分明
認取晉公題

樂天求馬裴贈以馬因戲云君若有心求逸足

我還留意在明珠引妾換馬之事樂天答曰
安石風流無柰何欲將赤驥換青娥不辭便
送東山去臨老何人與唱歌

中書即事云有意效承平無功益聖明灰心緣
忍事霜鬢為論兵道直身還在恩深命轉輕
鹽梅非擬議葵藿是平生白日長懸照蒼蠅
謾發聲嵩陽舊田地終使謝歸耕

韓愈

喚起窓全曙催歸日未西無心花裏鳥更與盡
情啼乃二禽名也喚起聲如絡緯間轉清亮

偏鳴於春曉江南謂之春喚催歸子規也

元和十二年裴度宣慰淮西奏公行軍司馬有
從軍泊途中諸篇其間次潼關寄張十二使
君詩云荆山已去華山來日照潼關四扇開
刺史莫辭迎候遠相公新破蔡州迴又次潼
關上都統相公云暫辭堂印執兵權盡管諸
軍破賊平冠蓋相望催入相待將功德格皇
天又挑北夜賀晉公云西來騎火照山紅夜
宿桃林昭月中手把命珪兼相印一時重疊
賞元功勳一篇皆有奧旨元齊平遷刑部侍郎

十四年正月八表乞燒棄佛骨疏入貶潮州刺史
有次藍闕昭示妖孫湘詩云一封朝奏九重天
夕貶潮咀切路八千欲為聖明除弊事豈將衰
朽計殘年十雲橫秦嶺家何在雪擁藍關馬不
前知汝去還來應有意好收吾骨瘴江邊是歲
十月量移袁州刺史酬張韶州詩云明時遠
逐事何如遇赦移官罪未除北望詎令隨塞
鴈南遷總免葬江魚將經貴郡須留客先惠
高文謝起予暫欲繫舟韶石上下賓虞舜整
冠裾

又留別張使君云來往再逢梅柳新別離一醉
綺羅春久欽江綵文才妙自嘆虞翻骨相屯
鳴笛急吹催落日清歌緩送感行人已知奏
課當徵拜那復淹留詠白蘋

張籍

籍宿江上詩云楚驛南渡口夜深來客稀月明
見潮上江靜覺鷗飛旅次今已遠此行殊未
歸離家久無信又聽搗寒衣或云劉長卿餘
干旅舍云搖落暮天迥丹楓霜葉稀孤城向
水閉獨鳥背人飛渡口月初上隣家漁未歸

鄉心正欲絕何處搗征衣槩相類也籍字文
昌和州人歷水部外郎終主客郎中

蕃漢斷消息死生長別離句常於送人處憶得
別家時句流光暫出還入地使我年少不須
更

送裴相公鎮太原云威德雄名遠近知功高先
乞守藩籬銜恩曾遣分龍節著勅還同在鳳
池天子親臨接上送朝官盡出道邊辭明年
塞北諸蕃落應起生祠請立碑

白樂天讀籍詩集云張公何為者業文三十春

尤攻樂府詞學代少其人姚合讀籍詩有詩
云妙絕江南曲淒涼怨女詩古風無敵手新
語是人知

李道昌

道昌唐大曆十三年為蘇州觀察使一日郡城
外虎丘山有鬼題詩二首隱于石壁之上云
青松多悲風蕭蕭聲且哀南山樓幽隴幽隴
空崔嵬白日徒昭昭不照長夜臺誰知生者
樂魂鬼安能迴况復念所親慟哭心肝摧慟
哭更何言哀哉復哀哉又曰神仙不可學

化空遊魂白日非我朝青松為我門雖復
幽顯猶知念子孫何以遣悲惋萬物歸其根
寄語世上人莫厭臨芳樽莊生問枯骨王樂
成虛言道昌異其事遂具奏聞准勅令致祭
道昌為其文曰嗚呼萬古丘陵化無再出君
若何人能閑詩筆何代而亡誰人子姪曾作
何官是誰仙室寂冥夜臺悲乎白日不向紙
上石中隱出桃源三月深草垂楊黃鶯百轉
猿聲斷腸不題姓字寧辨賢良嗚呼哀哉嘆
昔青松嶺上嵯峨碧山大唐正業已記詩言

痛復痛兮何處實悲復悲兮萬古墳能作詩
兮動天地聲悲怨兮淚霑巾感我皇兮列清
酌願當生兮事明君是時祭後經數日再有
詩一絕于石云幽冥雖異路平昔忝攻文欲
知潛昧處山北兩孤墳後於寺山之北果有
二墳極高大荆榛聚茂詢諸耆老竟不知姓
氏至今猶存皮日休和云念爾風雅魂幽咽
能攻文空令傷魂鳥啼破山邊墳陸龜蒙和
云靈氣猶不死尚能成綺文如何孤窆裡猶
自讀三墳

陸暢

暢字達夫吳郡人韋臯雅所厚禮
為蜀道難以斥嚴武暢更為蜀
又經崔諫議林亭云蟬噪入雲樹
初為江西王仲舒從事拂衣去
主下降百僚舉暢為僉相詩昔
簾日勞將素手捲蝦鬚瓊室流
漏報來過夜半可堪潘岳立
碧玉為竿丁字成鴛鴦繡帶短
上花顏色不隔雲中笑語聲

八寶時李白
迫易以美臯
開無主花
似遇雲陽公
刻而成詠
建綴珠玉
詠行帳曰
八簷強遮天

詔作催粧五言曰雲陽公主貴出宮
五侯家天
母親調粉日
况憐賜花催鋪百子
帳待章七
香車借問粧成未
東方欲曉霞內
人以其口天
音捷才以詩嘲之云
十二層樓倚
翠空鳳鸞
相對立梧桐
雙成走報監門衛
莫使吳飲入
漢宮或曰妹作若陸酬曰粉面仙郎
選尚朝偶
逢秦女學吹簫
須教翡翠聞王母
不柰烏鸞
噪鵲橋六宮大
台別賜宮錦
楞伽餅嚼盃各
暢謁韋皋作蜀道
易詩云蜀道易易
於履平地
皋大喜皋薨朝
廷欲繩其既往之
事復閱先

進兵器上皆刻定秦二字不相與
石皆造成
罪名暢上疏理之曰臣在蜀日見
所造兵器
定秦者匿名也
由此得釋段成式
曰暢江東
人語多差誤人以為劇語
初娶董
溪女每曰
婢進梁豆暢輒沃水服之
或曰君為貴門女
婿幾多樂事陸暢曰貴門苦禮法
俾于食棘
麩殆不可過

李翱

翱在潭州席上有舞柘枝者顏色真
悴殷達蕃
侍御當筵贈詩曰姑蘇太守青娥
女流落長

沙舞柘枝滿座繡衣皆不識可憐紅臉淚雙
垂翹詰其事乃姑蘇臺韋中丞愛八姬所生之
女夏卿之嫡曰妾以昆弟夭折志入身樂部耻
辱先人言訖涕咽情不能堪亞細為之吁嘆
且曰吾韋族姐舊速命更其舞心飾以桂襦
延與韓夫人相見賦以姨碩其亡口語清楚宛
有冠蓋風儀遂於賓榻中選士二嫁之舒元
興侍郎聞之自京馳詩曰湘江二罷忽成悲
便脫蠻靴出絳幃誰是蔡邕琴一客魏公懷
舊嫁文姬

李翹薦孟郊於張建封云茲有一平昌孟郊正士
也伏聞執事舊知之郊為五言詩自前漢李
都尉蘇屬國及建安諸子南朝二謝郊能兼
其體而有之李觀薦郊於梁二補闕書曰郊
之五言詩其有高處在古無二其有平處下
顧兩謝韓送郊詩曰作詩三一日首杳默咸池
音彼三子皆知言也豈欺天下之人哉郊窮
餓不得安養其親周天下無二所遇作詩曰食
齊腸亦苦強歌聲無懼出門二即有礙誰為天
地寬其窮也甚矣凡聖人奇二自以所負不

苟合於世是以雖見之難得而知也見而不能知其賢如勿見而已矣知其賢而不能知如勿知其賢而已矣用而不能知如勿用而已矣盡其才而容諛人之所問者如勿盡才而已矣故見賢而能知知而能用用而能盡其才而不容諛人之所問者天下一人而已矣郊下第詩曰棄置復棄置置情如刀劍傷又再下第詩曰一夕九起嗟一夢知不到家兩度長安陌空將淚見花而後及第有詩曰昔日離離不足嗟今朝曠蕩思無涯青春得

意馬蹄疾一日看盡長安花二日之間花即看盡何其速也果不遠

劉義

劉又節士也少放肆為俠首因酒殺人亡命會赦出更折節讀書能為歌詩然恃故時所負不能俯仰貴人聞韓愈接天下士步謁之作冰柱雪車二詩出盧孟右樊宗師見為獨拜後以爭語不能下賓客因持愈金數斤去曰此諛墓中人得耳不若與劉君為壽愈不能止歸齊魯不知所終

楊巨源

楊巨源以三刀夢益州一箭取瀆城得名故樂天詩云早聞一箭取遠城相識雖深有故情清句三朝誰是敵白鬚四海半為兄貧家雜草時時入瘦馬尋花處處行不用更教詩過好折君官職是虛名巨源後拜省郎樂天復以詩賀云文昌新入有光輝卷界官牆白粉闌曉日鷄人傳漏箭春風侍女護朝衣雪飄歌句高難和鶴拂雲霄老慣飛卷官職聲名俱到手近來詩客似君稀巨源字景山大中時

為河中少尹

何事慰朝夕不踰詩酒情山卷道路蕃漢共刀兵禮樂新朝市園林舊弟兄向風一點淚寒晚暮江平

歐陽詹

歐陽詹字行周泉州人初見拔於常袞後見知於退之元卷負終於四門助教李貽孫序其文曰君之文周詳切於情故叙事重複宜其掌代文柄以卷變風雅一命而卒夫其絕乎子賈早死孫澣

途中寄太原所思詩曰鷗鳥漸覺遠回頭長路
塵高城已不見况復城中人去意自未甘居
清涼猶辛萬里東北晉千里西南秦一履不
出門一車無停輪流萍與匏繫早晚期相親
或曰詹遊太原悅一妓將別約至都相迎故
有早晚期相親之句妓思之不已得疾且甚
乃刃其髻藏之謂女弟曰歐陽生至可以為
信曰自從別後減容光半是思郎半恨郎欲
識舊來雲髻樣為奴開取縷金箱絕筆而逝
及詹至如其言示之詹啓函一動而卒孟簡

賦詩哭之序云穆玄道訪予常嘆其事玄道
頗惜之

袁高

禹貢通遠俗所圖在安人后王失其本職吏不
敢陳亦有奸佞者因茲欲求身動生千金費
日使萬姓貧我來顧渚源得與茶事親忙輟
耕農來採採實若苦辛一夫且當役盡室皆
同臻捫葛上歌壁蓬頭入荒榛終朝不盈掬
手足皆鱗皴悲差遍空山草木為不春陰嶺
牙未吐使者牒已頻心爭造化力先走銀臺

筠選納無晝夜搗聲昏繼晨衆工何枯槁俯
視彌傷神皇帝尚巡狩東郊路多堙周迴遠
天涯所獻愈艱勤况值兵革困皇茲困疲民
未知供御餘誰合分此珍碩省黍邦守又慚
復因循茫茫滄海間丹憤何由伸右高所賦
茶山詩也案唐制湖州造貢茶家多謂之顧
渚貢焙歲造一萬八千四百斤大曆後始有
進奉建中二年高刺史進三千六百串并詩
此一章刻石在貢焙故杜鴻漸與楊祭酒書
云碩渚中山紫笋茶兩片此物但恨帝未得

嘗實所嘆息一片上太夫人一片充昆弟同
歡開成三年以貢不如法停刺史裴充官

閻濟美

濟美大曆九年春下第將出關獻座主張謂詩
六韻曰蹇諤王臣直文明雅量全望爐金自
羅應物鏡何偏南國幽沉盡東堂禮樂宣轉
令游藝士更惜至公年芳樹歡新景青雲泣
暮天唯愁鳳池拜孤賤更誰憐謂覽之問失
第之因具以實告謂深有遺才之歎乃曰所
按六韻必展後效明年濟美自江東繼薦就

試東都謂後主文雜文已文已過繼欲帖經
濟美辭以不能謂曰禮闈故事亦許作詩續
帖遂命天津橋望洛城殘雪題濟美曰新霽
洛城端千家積雪寒未收清禁色偏向上陽
殘既而日勢已晚詩未就謂曰據見在將來
一覽稱賞遂唱過盧景莊謂曰前足下試錯
日祈天宗賦以魯丘對爵賜則子貢也乃作
駟字誤矣方悔之明日謂曰天寒急景諸君
文卷不成未可以呈宰相請重送納既而索
舊卷則駟字上朱點在焉易卷之意蓋有在

也到關謂揖濟美曰前日春間遺才所授
韻不敢暫忘幸副素懷矣濟美紀其事曰前
朝公相許與定分一面不忘美哉

裴交泰

長門怨云自閉長門經幾秋羅衣濕盡淚還流
一種蛾眉明月夜南宮歌吹北宮愁范攄曰
近日舉場詩尤新章孝標對月云長安一夜
千家月幾處笙歌幾處愁有類乎裴交泰裴
正元間詩人

劉寵

韋莊載竈長門怨云決滴長門愁夜長愁心和
雨到昭陽淚痕不學君恩斷拭却千行更萬
行

元稹

稹聞西蜀薛濤有辭辯及為監察使蜀以御史
推鞠難得見焉嚴司空潛知其意每遣薛
往泊登翰林以詩寄曰錦江滑膩蛾眉秀幻
出文君與薛濤言語巧偷鸚鵡舌文章分得
鳳凰毛紛紛辭客多停筆箇箇公侯欲夢刀
別後相思隔州水苕蒲北江發五雲高後廉問

浙東乃有劉採春自淮甸而小客華莫比元
贈詩曰新粧巧樣畫鵝蛾謾來常州透額羅
正面偷晴光滑笏緩行輕踏以鵝紋波言辭雅
措風流足舉止低迴秀媚多又有惱人腸斷
處選詞能唱望夫歌即羅頌之曲也元云在
浙河七年因醉題東武其詩曰役役行人事
紛紛碎薄書功夫兩衙盡留世沛七年餘病痛
梅天發親情海岸疎因循未以歸得不是憶鱸
魚盧侍郎簡求戲曰丞相雖不為鱸魚好為
鏡湖春色耳謂採春也

公先娶京兆韋氏字蕙叢韋逝五旬詩悼之曰曾

經滄海難為水除却巫山不日及雲

軼本

樂天在洛大和中積拜左丞相白越過洛以二

詩別樂天云君應怪我留連久我欲與君辭

別難白頭徒侶漸稀少明日心君無此歡又

云自識君來三度別這回白盡血老鬢鬢戀君

不去君須會知得後回相見血未幾死于鄂

樂天哭之曰始以詩交終以詩訣絃筆相絕

其今日乎

屈指正元舊朝士幾人同見大和春賦與兒歌

楊柳葉弄拂石梅花句遠路重可無限相違唯

一言月色照榮辱長安千萬門句健白

白居易

張為以居易為廣大教化主取甘肅讀史詩云舍

沙射人影雖病人不知巧言誣一人罪至死人

不疑撥蜂殺愛子掩鼻戮寵句弘恭陷蕭望

趙高謀李斯陰德既必報陽句豈虛施人事

雖可罔天道終難欺明即有句刑辟幽即有神

祇苟免勿私喜鬼得而誅之

又取得意減別恨半酣還遠程之句又人吏留

不得直入故山雲之句又長上生不似無生理
休向青山學煉丹之句又白以髮鑷不盡根在
愁腸中之句又與薛濤云我口白山勢接雲霓
欲逐劉郎此路迷若似剡中心台易到春風猶
隔武陵溪

樂天不為贊皇公所喜每寄文亦罕李絳之一篋
未嘗開劉夢得或請之曰見以詞則迴吾心矣
樂天未冠以文謁顧况况觀其姓名熟視曰長
安米貴居大不易乃捲卷讀之其芳草詩至野
火燒不盡春風吹又生歎曰吾謂斯文遂絕

今復得子 失前言戲之耳

樂天賦性曠 達其詩曰無事日月長不羈天地
闊此曠達之詞也孟郊賦性褊狹其詩曰出
門即有礙 誰謂天地寬此褊狹之詞也然則
天地又何 言礙郊郊自礙耳

樊素善歌小 蠻善舞樂天賦詩有曰櫻桃樊素
口楊柳小 蠻腰至於高年又賦詩曰失盡白
頭伴長成 紅粉娃因為楊柳詞以託意云一
樹春風萬 兩枝嫩於金色軟於絲永豐東角
荒園裏盡 日無人屬阿誰及宣宗朝國樂唱

是詞帝問云
不豐在何處
左右具以對
遂因命
取永豐柳二
兩枝植於禁
中自感上知
又為詩
云一樹衰
殘委泥土
雙枝移種
植天處
定知
此後天文重
不柳宿光
中見兩星
洛下文士
無
不繼作韓
公
市侍珠時
為留守
亦有詩
和云折
柳歌中得
君
千條遠移
金殿種
青霄上
陽宮女
吞聲送不
公
先歸舞
細腰
盧貞和
一樹依依
在永豐
兩枝
以飛去
杳無蹤
玉皇曾
採人間
曲
應逐歌聲
八九
重示意也

